

ASTRONOMICA
SPECIMINA

A D
OBSERVATIONES
PLANETARUM

Faciendas,

&

HOROLOGIORUM

Constructionem.

Authore

GILBERTO CLARK.

L O N D I N I,

Typis *Milonis Flesher*; Veneunt apud *Ric.
Davis*, Bibliopolam *Oxonienfem*, 1682.

ASTRONOMICA

SEPTEMBER

OF THE

FLAMET ARUM

HOT SPOTS

OF THE

Authors

CLIFFORD CLARK

FOR SALE

at the

of the

AMPLISSIMO VIRO
&
GENEROSO DOMINO,
GUALTERO CHETWYNDO,
ARMIGERO;

EX
Veteri *CHETWYNDORUM* Stirpe,

IN
Comitatu *Staffordienſi* oriundo;
Hæc ſua *SPECIMINA* Astronomica,

In animi grati testimonium,

D. D. D.

Gilbertus Clerke.

AMPLISSIMO VIRE

&

GRINEROSO DOMINO,

CONTESSA, CHEI WYND,

LA MIGROR;

EX

CONTESSA, CHEI WYND, M. 3120

IN

CONTESSA, CHEI WYND, M. 3120

CONTESSA, CHEI WYND, M. 3120

CONTESSA, CHEI WYND, M. 3120

CONTESSA, CHEI WYND, M. 3120

CONTESSA, CHEI WYND, M. 3120

A D

OBSERVATIONES PLANETARUM

Faciendas.

I. **O** Portet Observatorem habere Instrumenta necessaria.


1. Nempe radium cum transversario, cui laminæ vel styli ex ferro mobiles aptandi. Convenit etiam habere arcum, id est, segmentum, circumfer. circuli; ita ut arcus sit gr. 30. & radius annexus sex pedes longus: sed in horum usu caveat Observator ne, 1. decipiatur ab excentricitate oculi, qui, uno objecto conspecto, situm mutat ut alteri obvertatur; hinc ab incauto error committi possit sex vel septem minutorum, in distantis accipiendis: 2. in usu laminarum, id est, pinnacidiorum latorum, si conspectio fiat nunc per interna laminarum latera, nunc per externa, differentia possit esse 10. minutorum, ut *Horoccius* expertus est, qui ergo usus est interno latere unius laminæ & externo alterius; erratum erit majus, quo splendor stelli propter majorem irradiationem; in hujus rei experimentum, si removeatur candela 4. vel 5.

passus, tum inter oculum & candelam interponatur opacum; certe summitas flamma videbitur altior juxta parietem quam mox sublato opaco.

2. Oportet propter altitudines capiendas habere quadrantem, cujus radius longus sit 3. vel 4. pedes; & convenit habere quadratum *Curtianum* à *Clavio* descriptum in *Horol.* cum dioptris (si opus) cujus quadrati latera in 256. partes æquales dividantur, vel plures, ut ex intersectione linearum innumera oriatur quadratula, quorum unum vel alterum in ipso angulo, puta in *c*, secabitur à filo pensili; tum ex datis lateribus in triang. rectang. *abc*, trigonometricè computetur angulus ad *a*, quoad gradus & scrup. per logarithmos artificiales.

Analogia erit, ut $ab : bc :: \text{rad. ad tang. } ac.$

Nota quod quarta pars quadrati, versus centrum, excindatur tanquam superflua: sed hic etiam Observator caveat ne decipiatur à refractione ab atmosphaera, unde Planetæ altiores videantur quam sint, quemadmodum denarius remotius videbitur in fundo situla si ea fuerit aquæ plena quam si vacua. Consulat igitur tabellas astronomicas in hunc finem compositas.



II. Habeat Observator meridianam lineam fixam & bene notam, ut accurate sciat quando quævis stella fuerit in meridiano; inter alia, propter temporis correctionem, quando Observator horologiis forte minus accuratis

Observationes Planetarum.

3

curatis utitur; linea autem meridiana invenitur variis modis.

1. Primus est ope quadrantis horizontaliter positi, fili pensilis & azymuthi cogniti, id est, distantiae Solis à meridiano; quo pacto azymuthus obtineatur, vide *Oughtr. Explic. c. 6.*

2. Si perpendicularis stylus erigatur ex *a*, centro plurium circulorum concentricorum, & continuo notetur supremum umbræ punctum; nempe à puncto *b*, observato Hor. 9. jun. 10. vel circiter ad punctum *o*, in eadem circumferentia, Hor. tertia, ducatur linea *bo*, & alia ab ejusdem lineæ medietate ad centrum *a*, vel perpendicularis, hæc *da*, vel perpendicularis, erit meridiana.



Et ea accurate ducta esset, si motus Solis æqualis esset motui stellæ fixæ; sed, propter proprium motum, in consequentia erit error aliqualis, qui tamen (si fuerit perceptibilis) emendari potest; nempe si quoniam Sol in minuto uno tantum spatii conficit motu diurno quantum in sex horis perdidit motu proprio, addatur ultimo puncto in via Solis quantitas motus umbræ per minutum, ut punctum illud notetur non in ipsa circumferentia sed prope, puta, in medio literæ *O*, & fiant reliqua ut prius; hac methodo, in praxi haud aliquid melius occurrat.

3. Media stella & paulo obscurior reliquis ex septem in ursa majore notetur circa 7. hor. noctis in Nov. vel Decemb.

cemb. dein, posita candela in laterna, abeas, si placeat, ad stationem convenientem, puta, 40. vel 50. pass. distantem, ubi figatur funiculus pensilis cum plumbo; tum vide sis ut candela, stella polaris, & obscurior illa in eodem filo pensili conspiciantur; dico quod linea à funiculo ducta ad candelam erit meridiana.

Methodus pro erigendo stylo perpendiculariter.

Fist foramen in plano Horizontali immobili; huic foramini inseratur pars aliqua styli ferrei, qui aliud planum minus & mobile pertransierit, (quantum conjectura fieri possit) perpendiculariter; dein circumvolvatur mobile planum: tum si suprema umbra styli ferrei semper tetigerit unum idemque punctum in plano immobili dum circumvolvitur planum mobile, dico quod stylus ille erigitur perpendiculariter.

III. Observator scire debet quo pacto oculus proxime dirigendus fuerit versus nonagesimum gradum eclipticæ, id est, gradum illum qui maxime elevatur supra Horizontem, & qui distat à puncto oriente 90. grad. ex una parte, & 90 grad. à puncto occidente ex altera parte.

Certe non est difficile per tabulas astronomicas invenire nonagesimum gradum, punctum oriens & punctum occidens ad quodvis tempus datum, atque etiam amplitudines istorum punctorum, id est, distantias eorum ab oriente & occidente: tum in horizontali circulo diviso, & meridiano ducto, ut opus est, ab istis amplitudinibus ducatur linea & altera huic perpendicularis, huic alteri insistat planum perpendiculare; dico quod

quod hoc planum jacebit in circulo nonagesimali, ad tempus datum, nempe in circulo, qui transit per polos Zodiaci, punctum loci verticale & nonagesimum gradum; & nota quod circulus transiens per polos Zodiaci necessario secat eclipticam (in quocunque gradu) ad angulos rectos, unde ratio peti potest quare nonagesimalis gradus in observationibus faciendis sit tanti momenti; nempe, quia & circulus verticalis in eodem gradu secat etiam eclipticam ad angulos rectos, & proinde eadem fere erit distantia Planetæ à verticali per stellam horizonti parallelâ sumpta & longitudinum differentia. Vice versa, dato gradu eclipticæ, facile reperitur quando gradus ille erit nonagesimus; convertendo differentiam inter obliquam ascensionem loci Solis orientis & obliquam ascensionem puncti orientis, convertendo (inquam) hanc differentiam in horas, id est, assignando 15. gradus æquatoris uni horæ, & 15. minuta æquatoris uni minuto; nempe, inde necessario innotescit quantitas temporis comparate ad Solis ortum vel occasum.

Denique hæc problemata omnium facillime solvuntur ope Globi.

IV. Accurate sumenda est ope Arcus supradicti distantia inter planetam & stellam notam, quatenus fieri potest, minime distantes, quia longitudines & latitudines stellarum fixar. notæ sunt, utpote jam pridem investigatæ præcipue per solertiam & laborem nobilissimi *Tychonis*.

V. *Crabtrius* Observationes fecit verticali in fenestra, applicando regulam transeuntem per stellam notam

tam & planetam; nempe, ut inveniret angulum ad verticalem, *viz.* ZL5. in seq. fig.

VI. Oportet habere declinationem fenestræ notam; nempe hinc constiterit præter propter utrum Planeta fuerit in vel prope nonagesimum; præter propter (inquam) nam hoc satis est; inde etiam constiterit quam prope accessit planum fenestræ ad perpendicularitatem cum circulo verticali per Planetam transeuntem, nam situs ille est maxime propius pro angulo sumendo ad verticalem; & reliqui quo propius ad illum accedunt præferendi.

Dein, quoniam declinatio plani æstimatur à linea ad planum perpendiculari infinite ducta ad horizontem, ut arcus interceptus inter meridiem & perpendicularem sit declinatio, si perpendicularis ad verticalem in fenestra & ad planum fenestræ ducatur super tabulatum, azymuthi planetæ & stellæ notæ facile accipiantur.

Declinatio autem plani cujuscunque hoc modo obtinetur; *viz.* quando pro azymutho inveniundo accipis Solis altitudinem ope quadrantis, eodem momento alterius quadrantis horizontaliter positi latus, ab alio Observatore applicetur plano, tum viderit Observator quem gradum in limbo quadrantis secuerit umbra fili perpendicularis per centrum transeuntis: angulus nempe ille inter gradum illum & perpendiculare latus quadrantis memoria tenendus.

Azymuthus autem postea in camera tua per computationem inveniatur; vel sumatur (si placet) à linea meridiana, quam fixam habes eodem momento ut ante.

Tandem

Tandem anguli in memoria retenti & azymuthi summa vel differentia exhibebit declinationem, nempe summa, si umbra fili fuerit inter meridiem & perpendiculare latus; sin autem, differentia; utrum vero umbra filipensis fuerit in medio necne, ex diei tempore & parva meditatione facile addiscatur.

His præmissis, accedo jam ad methodos aliquot pro Observationibus faciendis.

1. Proponatur in schemate primo,

— datis $\left\{ \begin{array}{l} \text{Azymutho } AGH \\ \text{Compl. altit. } GH \\ \text{Compl. elev. poli } GF \end{array} \right\}$ invenire FH. Compl. declinat.

Est autem declinatio distantia stellæ ab æquatore.

2. Data planetæ H (in 1. fig.) altitudine, cujus compl. GH, datis etiam distantia stellæ à meridiano BH, & GF compl. elev. poli, hoc est, in triang. GFH, datis GF, GH, GFH, invenire FH = compl. declinat.

Vide *Newton*. li. 2. c. 12. *Harm. Cœlest.* p. 27.

3. Tolle altitudinem æquatoris ex altitudine planetæ meridiana, restabit declinatio planetæ.

Sed data declinatione planetæ cum distantia præmissa inter planetam & stellam notam, dabitur recta ejusdem ascensio; denique, datis planetæ declinatione & recta ascensione, inveniantur longit. & latit. planetæ.

Vide *Harm. Cœl.* li. 2. c. 15, 16 & *Newton*. l. 1. c. 8, 9.

4. In secundæ figura triangulo, LOS, ex nota latitudine stellæ = SO, & ex assumpta latit. planetæ LO, nempe, ex tabulis *Cordinis*, vel aliis, & data dist. SL, vel angulo ad verticalem OL5, invenire trigonometricè ang.

ang. LO_5 = differentia longitudinum stellæ & planetæ.

5. Quando planeta est in vel prope nonagesimum, tolle altitudinem nonagesimi gradus m , ex altitudine nonagesimali planetæ L , vel contra, restabit Lm , latitudo planetæ.

6. Si infallibiliter constaret de tempore multa ostendi possent ex supposito stellam vel planetam esse accurate in nonagesimo; sed quoniam parvus error quoad tempus, magnum errorem quoad longitudinem pareret, nempe, propter continuam mutationem nonagesimi & celerem motum cujusvis gradus in ecliptica, adeo ut in uno horæ minuto, quindecim min. æquatoris conficiantur; ideo unum tantum describam, quia non sit in jucundæ contemplationis.

In schemate secundo, hæc omnia quæ sequuntur vel dantur vel accipiuntur, viz.

$5ZB$, azymuthus stellæ } $5ZL$, diff. azymuthorum.
 LZB , azymuthus planetæ }

RZB , azymuthus nonagesimi ad quodvis tempus datum.

Altitudines stellæ & planetæ & nonagesimi, cujus comp. SZ , & hujus compl. ZQ .

O_5 , latitudo stellæ notæ.

Distantia inter stellam & planetam, L_5 .

Angulus ad verticalem, ZL_5 .

Quoniam ergo in triang. Z_5L_5I see Fig.

dantur { ZL_5 ang. ad verticalem.

{ LZ_5 , diff. azymuthorum.

{ L_5 , dist. inter planetam & stellam.

Dabitur etiam ang. Z_5L_5I & LO_5 melioribus hæc cligis lev

In

Observationes Planetarum.

9

In triang. ZO5, datur OZ5, viz. compl. duorum a-
zimuthorum, sc. nonagesimi & stellæ $\left\{ \begin{array}{l} \text{RZB.} \\ \text{BZ5.} \end{array} \right.$

Dantur etiam ZO & O5 = latit. stellæ.

Ergo dabitur etiam ang. Z5O.

Denique, in triang. O5L, quoniam dantur duo latera

$\left\{ \begin{array}{l} \text{L5} \\ \text{5O} \end{array} \right\}$ cum angulo comprehenso L5O. $\left\{ \begin{array}{l} \text{Z5L} \\ \text{Z5O.} \end{array} \right.$
= duobus

Dabuntur ang. LO5 = longit. differentia,

& LO = compl. lat. planetæ.

Accipiantur igitur accipienda, quando tempus accurate corrigitur, per stellam aliquam notam in meridano.

7. Compendii causa; sumpta distantia L5, in fig. 3. accipiatur angulus ZL5, forte commodissime in fenestra, ut ante dictum; indeque, sine ulteriori indagine, satis bene resolvi possit triang. rectangulum, Lu5, unde innotescat Lu = differ. longit. sine errore sensibili forte unius vel alterius minuti: Sed tum,

1. Operatio perfici debet in vel prope nonagesimum; nam aliter, propter linearum incidentium obliquitatem, ut in seq. fig. potest committi sensibilis error. Et nota, quod,

2. Quo minor est latitudo planetæ, eo minor erit incertitudo; atque etiam, quo minor est distantia L5.

3. Et eo certior erit operatio quo major est angulus ZL5, puta, si fuerit 70 vel 80 graduum. Vide *Crabtrii* Observ. p. 425. lin. ult. Huic autem in triangulo respondet L5u, scil. ang. alternus; nam quanquam in schemate verticales ZL & Z5 inclinant ad angulum in Z, tamen in fenestra tanquam si parallelæ essent considerantur.

Et

Et $L\gamma$ est ang. rectus.

Quinetiam ex schemate apparet esse $L\gamma = mn$ veræ long. nam quævis paulo brevior sit ex parte L , fuerit tamen tanto longior versus u : nota denique, quod si $ZL\gamma$ sit ang. rectus, ipsa distantia $L\gamma$, five almacantagal distantia, erit = longitudinum differentia.

OBSERVATIO JOVIS.

Nov. 11. 1679. S.V. hor. $5\frac{1}{2}$. P.M.

Tempus corrigitur ab ore Pegasi existente in meridiano, ut sit hor. 5. 33'. 44.

γ distabat à stella prima arietis $9^d. 21'$.

Eratque præcise in eodem verticali cum lucida in sinistro cornu.

At vero addendo propter dilatationem (vel refractionem) radiorum Jovis, & demendo propter excentricitatem oculi in instrumento, cujus radius erat ped. 6. & unc. 4. pono distantiam, 9. 20'.

Differentia meridianorum inter *Lamportiam* & *Londinum*, ad cujus meridianum tabulæ *Carolinæ* sunt compositæ, erat $3'. 10''$.

Nempe *Lamportia* occidentalior est *Londino*, ideoque tempus apparens *Londini* erat hor. 5. 37'. fere.

Tempus medium, viz. ad quod tabulæ computantur, erat, h. 5. 26'.

Erg. long. γ per tab. *Car.* erat $8. 10. 36. 55''$.

Latitudo australis.

1. 23. 24.

Altitudo

Observationes Planetarum.

II

Altitudo meridiana Ψ erat	47°. 20'. 0".
Elevatio poli <i>Lampertiae</i>	52. 25. 0.
Ergo declinatio Ψ per meth. 3. supra	9. 45. 0.
Ascensio recta	29. 2. 0.
Ergo per methodum <i>Wingi</i> Harm. Cœl.	
li. 2. c. 15, & 16. Sed operando per tabulas <i>Carolinas</i> , longitudo <i>Jovis</i> esset δ .	1. 6.48.
latitudo australis	1. 44.30.

Sed per defectum quadrantis minutuli & noctis obscuritatem, non adeo accuratè accepi Ψ meridianam altitudinem, atque distantiam prius memoratam, unde nimiam discrepantiam inter longit. ortam esse puto, viz.

0. 30'. 7".

OBSERVATIO nuperi COMETÆ,

Langportæ, 1687.

Non necesse est ut Cometæ accuratè observentur; sed satis est si horæ, altitudines, &c. præter propter accipiantur.

Dec. 11. 1680. Lucida in scapulis Aquilæ seu Vulturis volantis reliquit caudam Cometæ ad dextram oculi spectantis aliquot gradus. Sed,

Dec. 15. Caudæ linea media sec. longitudinem, reliquit lucidam illam, versus dextram, tantillum quidem, nempe, ut conjicere potui $\frac{1}{2}$ lineæ ad mediam illam normalis: Hor. 5. P. M. Cometa erat alt. gr. 6. lucida Vulturis, alt. 26. cauda ad ipsum Cygnum exporrecta.

Dec. 17. Die Veneris, hor. 5, P. M. circiter, Luna exacte in meridiano existente, erat Cometa alt. gr. 12.

Vultur.

Vultur. 27° . alt. Distabat Cometa à Vulturis lucida 15° . $4'$. à Venere 23° . Erat cauda immanis magnitudinis, albicans & oculos perstringens.

Dec. 25. Die Saturni, hor. circiter $5\frac{1}{2}$, Cometa alt. 32° . cauda ad Cassiopeiam pertingens, paulo orientalius.

Dec. 29. Die Mercurii, hor. $5\frac{1}{4}$ circiter, erat Comet. alt. gr. 45. Cauda penetravit triangulum in pectore Pegasi, & immanis longitudinis, extensa ultra Persei lucidam, paulo occidentalius, viz. longa erat prope 50 . grad.

Jan. 4. Distabat à capite Andromedæ fere 4 . gr.

Jan. 5. Die Mercurii, distabat à capite Andromedæ quantitatem lunaris diametri.

Jan. 6. Peregrinatus sum, sed Cometa sensim obscurior esse cœpit, coma valde languidior, & indies multo brevior, quasi intra septimanam unam vel alteram evanesceret.

Id in hac historia maxime notandum quod Dec. 15. die Merc. lucida & media trium in scapulis Aquilæ erat in caudæ medietullo; nam scriptum est in Epistola ab *Edinburgo*, lucidam Aquilæ fuisse Dec. 15. in medio caudæ; unde aliquatenus & quatenus alii alibi consenserint de parallaxi judicare liceat.

Unde etiam liquet apparentiam caudæ non variari (quoad locum) pro positione oculi spectantis, ut fit in intuitione iridis, cujus colores sub certo tantum angulo conspiciuntur, ideoque eadem numero iris non videtur à spectatoribus in diversis locis, nec versus eadem puncta.

Quidam

Quidam amicorum meorum existimavit caudam fuisse in atmosphæra, & certe quasi ibi esset visa est; sed tum intra unius vel alterius milliaris distantiam parallaxis fuisset notabilis; ut fit in nubibus spectandis, certe raro observabis nubem ultra unius milliaris altitudinem, ut obiter ostendam methodum quam hujus rei causa aliquando concepi, viz. Normaliter ad planum horizontale ducatur planum transeuns per umbram nubis, nubem ipsam & solem; vocetur intersectio A: ducatur aliud planum normaliter ad horizontem per oculum & nubem, interfecans planum per umbram, vocetur intersectio B: denique appelletur linea ab umbra ad nubem C. Dico quod ex A B C fiet triangulum rectangulum, cujus angulus ad umbram datur. viz. = altitudini solis; & latus A accipi potest, ergo dabitur B, altitudo nubis.

Quod si Sol sit 45 gr. alt. erit $A=B$; nam erit ABC triangulum *Isoceles*, cujus latera A & B æqualia.

Sed redeo ad Cometas, quorum philosophiam paucis complectar quamvis fuerint æterna corpora, quod non moventur in circulis planeticis circa vel extra terram, sic probatur; nam si paucos tantum gradus ingentium circulorum absolverent, approximatio ad oculum minor esset quam quæ variationi lucis & diametrorum diminutioni sufficeret, si multos, brevi tempore redirent. Nec sufficiens ratio daretur caudæ, quæ quod efficitur à Solis radiis, inde liquet quod semper est à Sole averfa, uti de iride observatur.

Non autem per radiorum reflexionem ab opacis corporibus, nam impossibile est (quicquid *Cartesius* affert ex incertis historiis) ut Cometa tam giganticam caudam haberet, Venus autem nullam, quæ Dec. 17. di-

stabat tantum 23 gr. Et proculdubio color Cometæ non fuscus vel subniger fuisset instar ignis fumantis, sed clarior & nitidior, ut est Lunæ & Planetarum. Dein haud adeo perfecte & undique cauda unita fuisset corpori Cometæ, si reflexio ab externa superficie facta fuisset, adde quod in reflexione singuli radii à singulis punctis hæmisphærii convexi, quaquaversus seorsim reflectuntur & disperguntur; ideoque neque conum acutum constituere queant, nec satis potentes esse ad illustrandam ætheris partem aliquam, ita ut sit objectum visus terminativum. Relinquitur igitur, ut dicamus cum *Pena* & *Keplero*, (Vid. Præfat. in *Kepl. Dioptr.*) caudam fieri per refractionem radiorum Solis in corpore pellucido Cometæ, concursu omnium radiorum, existente paulo post Cometam, qui dein disperguntur, cujus rei experimentum habemus partim à radiis Solis per transfennam fulgentibus in obscuro loco, sed partim & præcipue à vitro combustorio in loco irradiato sed fumoso: dixi cum *Keplero*, (paulo post Cometam,) nempe, si refractionis quantitas eadem fuerit cum quantitate refractionis in vitro vel crystallo, confer *Kepl. Dioptr. prop. 35. & prop. 138.* sed hujus rei nulla est necessitas; & certe dispersio visa est, quasi in ipso corpore inceperat: Quære, annon hinc accendi possit materia combustibilis Cometæ, imo etiamsi punctum concursus esset paulo post, modo fuerit protuberantia aliqua.

Ex hac hypothese ratio caudæ est manifestior quam ut pluribus sit opus; dein hanc sententiam suadere videtur color caudæ flammeus & prope Cometam rubicundus, quasi ignis in eo esset accensus, siquidem
notum

notum est quod radii lucis participant de colore medii quod pertranseunt; obscuritas etiam gradualis deflagrationem arguit; denique quod Cometæ sublunares istius naturæ sunt nemo unquam dubitavit.

Possint esse in tam immenso spatio permultæ istiusmodi Collectiones combustibilis & pellucidæ materiæ, sed veluti Meteora in Atmosphæra, videri nequeant, antequam ignem conceperint.

P R O
H O R O L O G I O R U M
Descriptione.

LINEA Chordarum dividitur hoc modo;
Divide Quadrantem in 90 gr. & intervalla omnium graduum ope circini transferantur in lineam rectam: hæc recta appellatur linea chordarum: Usus est, Accipe intervallum 60 gr. = semidiametro quadrantis, & hoc intervallo ab intersectione duarum linearum normaliter ductarum describe quadrantem; tum accipe intervalla de linea chordarum pro quibusvis angulis describendis: ut opus;

Linea finuum fit dividendo semidiametrum quadrantis per sinus rectos, id est, lineas perpendiculariter dimissas à singulis gradibus quadrantis.

Horologia omnia supponuntur fieri originaliter ad centrum terræ, ita ut lineæ horariæ sint intersectiones

planorum quorumvis per centrum terræ, cum circulis vel planis horariis. Circuli autem horarii transeunt per polos mundi & singulos 15 gradus æquatoris; nam quia Sol æqualiter movetur in æquatore & planis parallelis per totum annum, erit & necessario per totum annum eadem hora, in eodem plano horario.

Jam quoniam in Horologiis quæ apud terræ superficiem construuntur stylus gnomonicus repræsentat axem mundi, eadem dici possunt sine errore sensibili de planis horariis factis, dividendo per singulos 15 gr. minorem circulum circa stylum, ita ut stylus elevetur ad elevationem poli, & circulus ille minor ad elevationem æquatoris, quem repræsentat.

Descriptio Horologii horizontalis.

Pro descriptione Horologii horizontalis, per singulos 15 gr. minoris circuli à centro ejusdem, ducantur lineæ, intersectionem plani, minoris circuli & horizontalis (quam vocant **Contingentem**) interfecantes & harum intersectionum puncta notentur, per quæ à centro Horologii, cui inseritur stylus, ducantur lineæ horariæ.

Mechanica praxis est, ut sequitur.

Ducantur duæ lineæ normaliter bd pro hora duodecima, & bc pro hor. 6. ducatur stylus bi , ita ut ang. $ibd = \text{elev. poli } 52^{\circ}. 15'$. accipe ad libitum quodvis punctum in linea meridiana, puta d , à quo ad stylum dimittatur perpendicularis $de = \text{fin. elevat. poli}$: huic æqualis, df , transferatur in meridianam, & ducatur contingens normaliter ad meridianam in d .

A cen-

A centro *f* describatur circulus, quovis intervallo, (quo majus eo melius) & dividatur in singulos 15 gr. id est, in 24 partes, sed satis est si quadrans dividatur in sex partes: fiant puncta in contingente, ubi secatur à regula ad centrum *f*, & singulos 15 gr. posita.

Denique à centro *b*, per puncta in contingente, ducantur horæ, erigendo stylum super meridianam ad ang. *i b d*.

Eodem modo fit Horologium verticale, meridionale, nisi quod loco elev. poli 52. 15'. sumendum ejus complementum = 37. 45'. pro horis tantum duodecim.

Aliter sic per Logarithmos. Elev. poli 52. 17.

Ab intersectione duarum linearum normaliter ductarum, ut ante dictum, nempe à centro *b* describatur quadrans, & sumantur de linea chordarum partes à meridianam in quadrante, singulis horis totidem 15 gr. assignando, juxta hanc analogiam dic pro hora prima, ut rad. ad tang. horæ primæ (id est, 15 gr.) ita sin. elev. poli ad tang. distantia, lineæ horariæ (id est, lineæ pro prima hora) à meridianam linea; & similiter pro reliquis horis.

Rad. 10,

Tang. 15. 9,428052

Sin. 52. 17'. 9 898201

9.326253. Tang. 11. 58'. pro prima hora, & similiter pro reliquis horis, ut in Figura.

Descriptio verticalis Horologii declinantis.

Esto elev. poli $52. 25'$. declin. versus occid. 41^d .

A duarum linearum normaliter ductarum (ut ante) puncto intersectionis, b , ope lineæ chordarum, fiat angulus æqualis elevationi æquatoris, $37. 35'$. $e b d$.

Fiat alter, $n b d =$ declin. 41 gr.

Ducatur $d e$ ad meridianam perpendicularis, à quovis puncto ad libitum sumpto, puta, d .

Longitudo, $d e$, transferatur in $b n$; ab n dimittatur perpendicularis ad meridianam, $n m$; dein transferatur $n m$ ad dictam perpendicularem $= d p$, per b & p ducatur linea substilaris, ad quam, in puncto p , ducatur perpendicularis, pro contingente.

Longitudo, $b m$, transferatur in contingentem $= p r$, tum per centrum, b & r , ducatur stylus, cuius altitudo, super substylarem, ad ang. rect. erit $p b r$.

A p ad stylum dimittatur perpendicularis, $p s$.

Transferatur $p s$ ad substylarem, $= p q$.

A centro q describatur circulus æquinoctialis quovis intervallo, (quo majus eo melius) & dividatur in singulos 15 gr. inchoando divisionem ab ea parte circuli, W , qua secatur à regula applicata ad \odot & X , punctum intersectionis conting. & merid. fiant puncta in contingente, ubi secatur à regula per centrum Q & singulos 15 gr. vel $7\frac{1}{2}$ pro semihoris.

Denique, à centro b , per puncta in contingente, delineentur horæ.

Diagramma sequitur.

Hacte-

Hactenus *Falo*, nostrati, id tantum addidi, quod æquinoctialem descripsi longiore radio; quod quidem est magni momenti; nam omnes circuli sunt similes, sed majores facilius & accuratius dividuntur.

Sic autem; logarithmis utendo, per quatuor Operationes.

Operatio I.

Ut radius ————— 10,000000
ad cotang. elev. 37. 35. ————— 9 886288
ita sin. declin. 41 gr. ————— 9 816943

ad tang. distant. substyli, à merid. 9 793231 = 26. 47.

Operatio II.

Ut radius ————— 10,
ad cosin. declin. 49. ————— 9 877780
ita cos. elev. 37. 45. ————— 9 785269

ad sin. altitud. styli supra subst. 9 663049 = 27. 25.

Operatio III.

ut sin. elev. 52. 25. comp. arth. 0 101019
ad rad. ————— 10,000000
ita tang. declin. ————— 9 939163

ad tang. inclinationis meridia- }
norum, nempe plani & loci — } 10,040182 = 47. 39.

Per meridianum loci intellige planum, quod per stylum, lineam horæ duodecimæ & verticem loci transit.

Per meridianum plani intellige circulum, qui per polum mundi, stylum & lineam substylarem transit.

Per inclinationem horum meridianorum, non est intelligenda distantia substylaris à linea horæ duodecimæ, (ut quidam scribunt) sed angulus ad stylum, id est, ad intersectionem duorum planorum memoratorum, qui angulus mensuratur ab arcu æquatoris, cujus planum secat utrumque illorum ad ang. rect. Ex hoc angulo invento, per hanc tertiam operationem, tolle singulos 15 gr. donec ad additionem perveneris. Sic ex 47. 39'. tolle 15, rest. 32. 39'. pro angulo ad polum & hora prima.

Operatio IV.

Ult rad. —————	10,000000
ad sin. alt. styli 27. 25'. ———	9 663190
ita tang. ang. comprehensi in- ter horam datam & meridia- num plani, ad polum, 32. 39'. ———	9 806693
ad tang. distantiae lineæ horariæ à substil. —————	9 469883 = 16. 26'.

Computabis reliquas distantias pro singulis horis similiter; tum, facto quadrante vel circulo, ut opus, à centro *b*, sume arcus inventos de linea chordarum, vel aliter, ut visum erit: reliqui anguli ad polum & distantiae sunt 17. 39. &c. ut in margine Schematis. Vide *Wingar. Append. ad Logarith.* Et dixeris forte me rem tibi gratam fecisse.

Lepida

Lepida forma Horologii, quo nullæ lineæ apparent, nisi lucente Sole, viz.

Fiat ad vitrum in fenestra Horologium verticale, & inverso ordine, quasi esset boreale Horologium, à vitra-rio describantur lineæ, quæ ad unciaë unius vel alterius distantiam occultentur charta, cornu, vel materia alba, non transparente, tum eo loci quem stylus ascendendo (ut solet in borealibus Horologiis) chartam penetraret, fac in charta maculam: dico quod, lucente Sole, linea pro hora diei secabit maculam. Habui à Domino Woollaston, Warwicensi.

Efficere Horologium pro cylindro vel baculo ambulatorio.

In charta plana ducatur linea quæ bis circumdaret baculum, & dividatur, ut linea sinuum, nempe semicirculus à media parte utrinque; primum punctum in hac linea sinuum erit pro Sole in primo gradu Capricorni; primus proximorum triginta gr. pro Sole in 1. gr. Aquarii, &c. juxta ordinem signorum, & sufficit, si 30 gr. in tres tantum partes dividantur, quod in primis & ultimis triginta, vix fieri potest vel opus est: A punctis solstitialibus & æquinoct. (& ab aliis, ut 10. 8. si opus,) ducantur perpendiculares, quæ sint tangentes, radius autem erit stylus, qui lineæ sinuum perpendiculariter insistere debet.

Altitudines meridianæ Solis in punctis solstit. & æquinoct. computentur, & notentur in perpendicularibus dictis;

dictis ; per loca notata describatur circulus, ut *Euclides* docuit, pro hora duodecima : & fac similiter pro reliquis horis.

Denique applicetur cylindro chartæ pars dimidia, & reliqua reflectatur : sed nota quod vel stylus vel cylindrus mobilis esse debet ; ita ut stylus decima die Dec. sit supra punctum primum lineæ sinuum ; 10. die Jan. supra primum punctum proximorum triginta, & 10. die Mar. super ultimum ; tum retro ambulandum, & sic retrorsum & prorsum per totum annum.

Si tibi dubitare contigerit, consule *Fali Horol. c. 28.* ubi ostendit modum cognoscendi horam per altitudines, viz. per quadrantem, super iisdem rationibus fundatum, unde hæc proposito meo accommodavi.

Liquet ex supra dictis quod Sol vel umbra ad eandem horam necessario jacebit in eodem plano horario ; planum autem horarium puta pro hora tertia, transit per stylum & lineam, quæ in Horologio horizontali describitur pro hora tertia : Hinc, ope Horologii horizontalis horizontaliter & horologicè positi, id est, ita ut linea meridiana Horologii sit in plano meridiano, facile est, super quodvis planum, quovis modo inclinans vel declinans, cujuscunque generis aliud Horologium describere :

Est igitur Problema catholicum.

*Ope Horologii horizontalis, nullum non Horologium
construere.*

Si velles Horologium murale describere ; Horolo-
gium

gium horizontale applicetur prope murum ; horologicè ut oportet.

Tum stylus, ope fili vel regulæ, producaturn ad punctum in muro pro stylo murali ; dein filum idem successive ducatur, secundum ductum planorum horariorum, pro singulis horis ; quod & ope candelæ vel ipsius oculi commodè fieri potest, dum eodem ictu oculi, tum linea horizontalis Horologii tum murus simul conspiciuntur per stylum.

Si velles describere Horologium, cujus centrum in aëre aprico ad cameræ tuæ laquear vel parietes, ut ope radii reflexi à lente in fenestra hora innotescat, non potest dari melior methodus quam si invertatur Horologium horizontale, & applicetur fenestræ horizontaliter & horologicè : tum, secundum ductum styli, producaturn filum à lente vel centro ad pavementum, ibique clavo figatur, & si placet, excindatur, ita ut residua pars fili maneat libera & satis longa ut ad qualvis laquearis partes extendatur : deinde ab eodem centro aliud filum ducatur ab amico aliquo, secundum ductum singulorum Horologii linearum, & tepeatur manu donec tu interim stylare filum dirigas ad laquear vel parietes, puncta notando pro lineis horariis ; quando nempe stylare filum à clavo tetigerit filum amici tui.

Eadem methodo facile est componere Horologium pro radio directo, à macula vel foramine in fenestra ; sed tum Horologium non invertendum, & clavus supernè figendus.

Si puncta notentur & horæ scribantur ad tabulati fenestralis marginem, pars aliqua fili à clavo pendere debet, ut ad horam notatam per umbram vel radium à foramine dirigatur.

Quidam

Quidam pro Horologiis declin. describendis, super horizontalis Horol. meridianam erigunt tabulatum perpendiculare & ad omnes declinationum gradus versatile, pro stylo autem utuntur filo per utriusque plani meridianas lineas.

F I N I S.

ERRATA.

- Pag. 48. l. 9. pro Cap. VIII. lege Cap. X.
 Pag. 52. lin. antepenult. $\frac{2}{3}$ è 21?
 p. 68. l. 6. à fine, *ghomén, pré &c.*
 l. 12. *id est IO = 2A.*
 p. 75. l. 4. à fine, $A = r7. - r4. \&c.$
 l. 5. $Eq = r (11. - r112) \&c.$
 p. 76. l. 2. *max. c. m. r c 5.*
 l. 4. *r c 5 max. c. m.*
 l. 8. Incipiat Sectio sic, 9. *Ex quadratis, &c.*
 l. 10. dele 9.
 l. ult. *modum esse verum, experiundo, &c.*
 p. 79. l. 8. dele 12.
 l. 9. Incipiat Sectio sic, 12. *Radix qu. &c.*
 p. 86. l. 5. *id, est in hac arte—*
 p. 103. l. 5. à fine, *extrahenda sit.*
 p. 106. l. 5. à fine, *omissimus.*
 p. 112. l. 2. *duobus.*

A


8

Conting.

9

a b c

Ang. ad pol.	Horæ
32. 39'.	1
17. 39.	2
2. 39.	3
12. 21.	4
27. 21.	5
42. 21.	6
57. 21.	7
72. 21.	8



Pro Horolog. Horizont.

